

Sakspapir

Sakshandsamar	Arkiv	ArkivsakID
Frank Kvinge	FE - 453	18/78

Saknr	Utval	Type	Dato
003/2018	Kraftfondsstyret	PS	22.03.2018

Retningslinjer for bruk av kulturtiltaksmidler

Rådmannen sitt framlegg til vedtak:

Kraftfondsstyret vedtek retningslinjene slik dei det går fram av saka.

Saksopplysningar:

Bakgrunn

I kommunestyremøte 11.12.2017 vart det etterlyst retningslinjer for tildeling av kulturtiltaksmidler.

Saka vart lagt fram for formannskapet 13.02.2018, sak 18/78, slik:

Bakgrunn/fakta

Kraftspela vart arrangert 2005-2014. Det vart sett av midlar til tiltaket på Kraftfondet.

Som erstatning for Kraftspela oppretta formannskapet i 2015 Kulturtiltaksmidler der ein ønskte å stimulera lokalt næringsliv, lagsliv og andre aktørar til å stå som kulturarrangør, slik at ein i kommunen framleis kunne tilby varierte og gode kulturopplevingar. I vedtaket vart det ikkje lagt føringar for kvar og når tiltaka skulle gjennomførast, og kor mange tiltak som kunne rekna med støtte. Det viktigaste var at ordninga skulle gje lokale aktørar inspirasjon og støtte til å gå i gang med nyskapande og spennande kulturarrangement i kommunen.

For 2015 vart det sett av kr 150 000 der arrangørar kunne søkja kommunal medfinansiering til slike tiltak gjennom kraftfondbudsjettet.

I 2017 var denne summen kr 100 000. Midlane vart lyst ut i januar 2017. Seks arrangørar søkte midlar, fem fekk tildelt tilskot i storleik 5-50 000 kr (Formannskap 17/79). Det kom tilbakemeldingar på at søknadfristen vart kort.

Søknadane vart vurdert utifrå innhald, omfang, mangfald, målgrupper, nyskaping og geografisk spreiding. Rådmannen la til grunn at dei avsette midlane skulle gå til arrangement i kommunen. Såleis

fall tilskot til reiser og turneringar utanfor ordninga.

Masfjorden kommune tildeler også kulturmidlar til lag over kulturbudsjettet. For 2017 var denne summen 195 000, der 80% vert gitt i driftsstøtte og 20% til ekstarordinære kulturtiltak.

Kommunen mottok dette året 33 søknader til driftsstøtte og 7 søknader til ekstarordinære kulturtiltak. I tildelinga tek ein omsyn til medlemstal, aktivitet og omsetning. Barne- og ungdomslag har blitt prioritert.

Sum til fordeling har gått gradvis nedover dei siste 3-4 åra.

Vurdering

Kommunestyret har etterlyst meir spesifikke retningslinjer for tildeling av kulturtiltaksmidlane. Frå administrasjonen si side vil det først og fremst vera hensiktsmessig at det vert utarbeidd og kunngjort relevant informasjon om desse midlane, og at det vert sett ein tenleg søknadsfrist for brukarane, slik det vert gjort for ordinære kulturmidlar.

Rådmannen ber politikarane om å koma med innspel på retningslinjer for tildeling.

Kommunestyret bør og vurdera kulturtiltaksmidlane på Kraftfondsbudsjettet i samanheng med kulturmidlar på kulturbudsjettet med tanke på utlysing, forvaltning, sakshandsaming og tildeling.

Formannskapet - 011/2018

FS - behandling:

Saka vart drøfta.

Det vert jobba fram følgjande framlegg til vedtak:

Saka vert sendt attende til administrasjonen for vidare handsaming og utarbeiding av forslag til kriterier knytt til kraftfondet sine retningslinjer.

Framlegg til vedtak jobba fram i møte vart samrøystes vedteke.

FS - vedtak:

Saka vert sendt attende til administrasjonen for vidare handsaming og utarbeiding av forslag til kriterier knytt til kraftfondet sine retningslinjer.

Ny tilleggsutgreiing til Kraftfondet etter formannskapsvedtak

Fakta/vurdering

I kraftfondsbudsjettet for 2018 er det sett av kr 220 000 til profilering av kommunen inkl. løpande annonsering av tomtareal, kommunal støtte til privat arrangement som erstattar Kraftspela, og oppfølging av «bli Masfjording», støtteannonser, profileringstiltak og representasjon delegert til rådmann/ordførar i fellesskap. Denne posten er og viktig med tanke på ekstra fokus på folketalsutvikling og det er her kommunen sin finansieringsdel kring arrangement som erstattar Kraftspela vert finansiert. For 2018 er denne summen sett til kr 100 000.

Tiltaket vert ført under konto 11403, teneste 32504 i kommunerekneskapen – rammeområde felles.

Konklusjon

Kultur-/næringstiltaksmidar

Kommunen har sett av midlar til tiltak som erstattar det som Kraftspela tidlegare dekkar, og inviterer private/andre kulturarrangørar til å søkja kommunal medfinansiering til kulturtiltak gjennom Kraftfondbudsjettet, og der føremålet er å skape blest og godt omdømme av kommunen, og i samsvar med føremålet for Kraftfondet.

Retningsliner for tildeling.

Kultur-/næringstiltaksmidlane

- skal stimulera lokalt næringsliv, lagsliv og andre aktørar til å stå som kulturarrangør, slik at ein i kommunen kan tilby varierte og gode kulturopplevingar gjennom heile året.
- skal gje lokale aktørar inspirasjon og støtte til å gå i gang med nyskapande og spennande kulturarrangement i kommunen.

Søknaden

- skal innehalda ein presentasjon av tiltaket inkludert budsjett.
- skal visa korleis tiltaket kan skapa blest og godt omdømme av kommunen, og vera i samsvar med føremålet for Kraftfondet.

Søknadane

- vert vurdert utifrå innhald, mangfald, målgrupper og geografisk spreiding, og på ein måte som sikrar at ein i kommunen kan tilby varierte og gode kulturopplevingar gjennom heile året.

Søknadsfrist 10.april.

Tildeling:

Administrativt vedtak.

Rapportering:

Dei som mottok kulturtiltaksmidlar skal innan eitt år etter tildeling rapportera bruken av midlane.

Søknaden skal sendast på e-post til post@masfjorden.kommune.no,

eller som brevpost til:

Masfjorden kommune

Rådmannen

Austfjordvegen 2724,

5981 Masfjordnes

Kraftfondsstyret - 003/2018

KRFT - behandling:

Saka vart drøfta.

Framlegg til vedtak vart samrøystes vedteke.

KRFT - vedtak:

Kraftfondstyret vedtek retningslinene slik dei det går fram av saka.